



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Gebennensi Episcopo.

urn:nbn:de:hbz:466:1-20020

586 Epistolarum Innocentij III.

rint nominati, tam monachi quam Temporales & alij, si se gratia, odio vel timore subtraxerint, per distinctionem eandem appellatione remota cogatis veritati testimoniū perhibere. Nullis litteris obstantibus, si quā apparuerint præter assensum partium à sede apostolica impetratae. Quod si non omnes his exequendis &c. duo vestrum &c. usque exequantur. Datum Lateranix v. Kalend. Martij, pontificatus nostri anno quartodecimo.

*AVRELIANENSI ET ANTISIODORENSI
Episcopis, & magistro W. de Vienna
Canonico Antisiodorense.*

*Epiſt. 158.
Beneficiorum
superfluitas
damna.*

** Supra Cap-
cellario*

In tellesta ratione quam nobis venerabilis frater noster Remensis Archiepiscopus & ejus condelegati miserunt super controversia qua de præbenda Trecensis Ecclesiae vertitur inter venerabilem fratrem nostrum Trecensem Episcopum & dilectum filium Cancellarium Senonensem non duximus eidem Episcopo aliud referendum nisi quod idem Episcopus diligenter advertat qua ratione sustinere possemus ut ipse aliquod ecclesiasticum beneficium cuiquam de cetero personæ concedat plura beneficia obtinenti, si propterea nollet ad mandatum nostrum præfato * Cellario in Ecclesia sua conferre præbendam quia plura dinoficitur beneficia obtainere. Licet enim circa eandem personam beneficiorum sit semper superfluitas improbanda, nonnunquam tamen est toleranda pluralitas, statu personæ provida consideratione penitato. Quare idem prudenter attendat utrum magis expedit ut eidem Cellario ex mandato nostro liberalitatem exhibeat conferendo præbendam quam ex suo iudicio necessitatē incurrat ut ultra non possit alicui plura beneficia obtinenti ecclesiasticum beneficium elargiri, nisi fuerit sufficienter ostensum quod ipse superflua beneficia secundum suum statum possideat. Quod ex eo forsitan non poterit ostendi de facili; quoniam etsi plures præbendas obtineat, ipse tamen penè nullam habere proponitur cuius proventus liberè possit percipere nisi residentiam in ea faciat personalem. Et ex hoc fortassis pendet iudicium utrum & pro Trecensi præbenda condigne recompensatum extiterit in præbenda Remensi. Quicquid ergo super his duxerit faciendum, nobis infra tres menses post susceptionem litterarum nostrarum absque dilatione rescribat. Ideoque discretioni vestrae per apostolica scripta mandamus quatinus dictum Episcopum

ad hoc moneatis attentius & efficaciter inducatis. Quod si non omnes &c. duo vestrum &c. usque exequantur. Datum Laterani x v. Kal. Martij, pontificatus nostri anno quartodecimo.

GEBENNENSI EPISCOPO.

Tu nos duxit fraternitas consilendos utrum illorum sufficiat testimonium ad matrimonium dirimendum qui confan- guinitatis gradus ab avunculo & nepote videlicet fratri filio vel fororis, cum de fratribus vel superioribus nihil moverint vel audierint, incepert computare. Nos igitur inquisitioni tuae taliter respondemus, quod cum conjugium multum favoris obtineat, testes qui ad diuortium celebrandum produeti consanguinitatis computant gradus, a stipe debent incipere, id est, a parentibus vel germanis, & sic per ordinem distinguere gradus, nominibus propriis vel æquipollentibus indicis designando personas; præsertim cum sèpsum testimonium perhibeant de auditu, quod quia minus est validum, non est in articulo hujuscemodi nimium laxanda facultas; cum qua ratione computationem incepentes a secundo, eadem ab ulterioribus possent gradibus inchoare. Consequenter autem quæsisti, ut cum quidam mulierem quan- dam aliter induceret nequivisset ut sibi commiseretur carnaliter nisi despontaret eandem, nulla solemnitate adhibita vel aliquis præsentia dixit illi, *Te Iohannes despontat*, cum ipse Iohannes minimè vocaretur, sed fixxit se vocari Iohannem, non credens esse conjugium, eò quod ipse non vocaretur hoc nomine, nec haberet propositum contrahendi, sed copulat tantum extorquendi carnalem, utrum inter predictos sit matrimonium celebratum, cum mulier consenserit & consentiat in eundem, & ille dissenserit & dissentiat, nec aliud quicquam egerit quam quod superius est expressum, nisi quod cognovit eandem. Super quo fraternitati tuae taliter respondemus, quod cum præfatus vir dicat despontavit mulierem in propria quidem persona, etsi sub nomine alieno, quo tamen vocari se fixxit, & inter eos carnalis sit copula subsecuta, videretur forte pro cōjugio præsumendum, nisi tu nobis exp̄ se scrip̄ sis quod ille nec proposuit nec confitit illam ducere in uxorem. quod qualiter tibi constituerit non videmus. Nos tamen quid juris sit rescriptentes, hoc dicimus, quod si res ita se habuerit, videlicet quod ille nec proposuit eam ducere in ux-

rem nec unquam confessit, inter prædictas personas non deberet ex illo facto conjugium judicari, cum in eo nec substantia conjugalis contractus nec etiam forma contrahendi conjugij valeat inveniri; quoniam ex altera parte dolus solummodo a- fuit, & defuit omnino confessus, sine quo cetera nequeunt fedus perficere conjugale. Tertiò quæsivisti * per sedem apostolicam explicari quid sit de quodam monacho sentiendum qui credens se posse mulierem quandam à gurguris tumore curare, ut chirurgicalis cum ferro tumorem illum aperuit, & cum tumor ille aliquantulum refedisset, monachus ipse mulieri præcepit ne se vento exponeret ullo modo, ne forte ventus gutturi apertione subintrans sibi caufam mortis inferret, sed mulier, ejus mandato contempto, dum mes- ses colligeret, vento se exposuit incaute, & sic per apertione gutturi sanguis mul- tus effluxit, & mulier diem finivit extre- mum, qua tamen confessa est quod via vento exposuit semetipsam, ipsa sibi dede- rat causam mortis, utrum videlicet cum prædictus monachus sit sacerdos, licet ei sacerdotale officium exercere. Nos ergo tibi taliter respondemus, quod licet mo- nachus ipse deliquerit alienum officium usurpando quod sibi minimè congruebat, si tamen causa pietatis & non cupiditatis id egit, & peritus erat in exercitio chirurgie, omnemque studiū diligentiam quam de- buit adhibere, non est ex eo quod per cul- pam mulieris contra consilium ejus accidit adeo reprobans quin post satisfactionem condignam cum eo misericorditer agi pos- sit ut divina valeat celebrare. alioquin interdicenda est ei sacerdotalis ordinis exe- cutio de rigore. Ad ultimum ex parte tua fuit propositum coram nobis quod quidam scholarius metuens, ne latrones in hospitio suo essent, parvo afflumpto gladio, ut ignem quereret, de strato surrexit, & cum venisset ad ostium, ignarus reperit ibi fu- rem, qui cum scholari incipiens colluctari, non solum ipsum scholarem prostravit ad terram, verum etiam penè ad mortem vul- neravit eundem. Scholaris vero provocatus ab illo, vim vi incontinenti repellens, extorto latroni gladio, eundem servato juris moderamine repercutit; qui perter- ritus fugam quam citò potuit maturavit. Mane itaque luceiente, conscholares la- tronem quæsierunt eundem, quem vul- neratum inventum Potestati Vicentia tradiderunt; coram qua constanter negavit quod præmissa minimè perpetrata. Ve-

Tom. II.

rūm præfata Potestas ad eundem schola- rem suos nuntios destinavit, ut exponeret si qua sciret de fure prædicto, vel tradiceret intersignia; qui cultellum quem ipsi latro- ni abiulerat, & sotulares ab eodem in ip- sius domo dimissos, quos abstraxerat sibi ne pedum strepitus audiretur, nuntiis tra- didit memoratis, super eodem factō se nihil amplius intromittens. Potestas ita- que receptis talibus intersigniis, latronem apparitoribus suis tradidit puniendum, qui sibi amputarunt virilia & oculos eruerunt. Latro vero se ad quoddam cœnobium transtulit; & ibi per triduum, ira & dolo- re commotus, nec potum sumpsit nec ci- bum, & sic de medio est subtractus. Vnde per nostrum poftulas oraculum edoceri utrum præfatus scholarius ad sacros ordines valeat promoveri. Nos igitur inquisitioni tua taliter respondemus, quod si præfatus scholarius dignis meritis adjuvatur, propter præscriptum eventum à susceptione sacro- rum ordinum nullatenus est arcendus. Datum Laterani Idibus Februarij, pontifi- catus nostri anno quartodecimo.

Hoc loco, statim post epistolam c. i. sequitur epistola duæ scripta ad Capitulum Lingoneum; sed is qui regesum anni x. v. compofuit, admouit illas per- tinentes ad annum sequentem, in margine carum aſcribiens vocem V A C A T. Eas propterea vir illustris Fran- ciscus Bosquetus, qui prius hunc librum edidit, reje- ctit sequentem. Sane versus codex M.S. bibliothecæ Col- bertinae, in quo deficiuntur sunt tituli illorum regestorum, duæ illæ epistole ad Capitulum Lingoneum non refe- rentur in libro x. v. sed in initio sequentis. Vnde ap- pareat rectam fuisse mutationem quam hoc loco fecit idem vir illustrissimus.

*EPISCOPO ET DILECTIS
filis & Canonis Parmensis.*

Gratum gerimus & acceptum quod, Epist. 160.
sicut tu, frater Episcope, per tuas De præbenda
nobis litteras intimasti, bonæ memoriae collatione primæ præbenda in Parmensi
Gerardus Albanensis electus apostolicae se-
dis Legatus auctoritate legationis qua fun-
gebatur, tam suæ quam nostræ donationi
collationem primæ præbenda in Parmensi
Ecclæsia vacaturæ, vobis, filij Canonici,
consentientibus, reservavit, injungens vo-
bis primitus viva voce, & mandans suis lit-
teris subsequenter, quod ipsam præben-
dam, cum eam vacare contingeret, G.
Clerico nato G. quondam germani sui, cui
mores laudabiles ac scientia suffragantur,
duceretis liberè assignandam. Propter
quod tu, frater Episcope, nobis supplica-
sti humiliter per easdem ut præbendam
eandem dicto Clerico de benignitate sedis
apostolicae concedere dignaremur. Nos
igitur vestram diligentiam commendantes,
& volentes etiam præfati electi super hoc

EE. ij